

Maska “Smeće”

Maskembal u zalivu ili zaliv na maskenbalu?



Kotor, relacija: Škaljari - Trojica, magistrala uz brdo Vrmac. Koliko je naša redakcija upoznata, u ovom dijelu godine u Kotoru nema maskenbala, ali i pored toga, zaliv se okitio raznim bojama i oblicima. Kako smo mogli da naslutimo, maska se zove “Smeće”. Naime, na magistralnom putu uz brdo Vrmac, svakodnevno se zaustavljaju kako mala auta, tako i kamioni “sitnih pojedinaca” koji uz ivicu puta istovaraju sitni i krupni otpad. To uglavnom rade u ranim jutarnjim, ili u kasnim večernjim satima, kako ih “niko ne bi vidio”. Kako još nije riješeno pitanje deponije u neposrednoj okolini Kotora, možda bezobzirni pojedinci smatraju da je otpadu mjesto uz prelijepi vidik na Bokokotorski zaliv? To za sada ostaje neriješeno, ali jasno vidimo, da se na ovako lijepoj lokaciji stvara divlja deponija.

Iako se pojedinci pretvaraju i zavaravaju sebe da narod i vlast ne znaju o čemu se tu radi, svjesni su da će kad tad, ova tabu tema dobiti svoje zasluženno mjesto u medijima, i da će se već jednom problem ove divlje deponije riješiti.



Podržavaju li čelnici maskenbal?

Uz sve ovo, neminovno se nameće pitanje vlasti, kako u gradu, tako i na višem nivou, koja još uvijek nista ne preduzima. Možda čelnici podržavaju ovaj “maskenbal”, ili ne primjećuju uništavanje životne sredine koja je, još uvijek pod zaštitom UNESCO-a (a da li će ostati?). Zbog toga mi imamo ideju, koja bi riješila ovaj problem, i povećala broj radnih mjesta! Naime, naš plan je uvođenje takozvanih “ekoloških policajaca” koji bi patrolirali na mjestima kao što je ovo, i za svaki prestup naplaćivali mandatne kazne.

Da li će glas naroda biti dobro prihvaćen, ili će se dopustiti da karnevalska grupa “Smeće” ovoga puta pobijedi, ostaje nam da vidimo.

Milo Radonjić, Ksenija Djurović, Barbara Pilastro

IV1 Gimnazija Kotor

mentor: prof. Fikreta Adrović